

Կ Ա Ր Գ

ԱՊՐԱՆՔԱՅԻՆ ՆՇԱՆՆԵՐԻ ԳՐԱՆՑՄԱՆ ԳՈՐԾՈՂՈՒԹՅԱՆ ԺԱՄԿԵՏԻ ԵՐԿԱՐԱԶԳՄԱՆ ՄԱՍԻՆ ԴԻՄՈՒՄՆԵՐԻ ՁԵՎԱԿԵՐՊԱՄԱՆ ԵՎ ՔՆՆԱՐԿՄԱՆ

1. Սույն կարգով սահմանվում են ապրանքային նշանների գրանցման գործողության ժամկետի երկարաձգման մասին դիմումի ձևը, դրա ձևակերպման և քննարկման կարգը:

2. Ապրանքային նշանի գրանցման գործողության ժամկետը երկարաձգելու մասին դիմումն ապրանքային նշանի իրավատերը կամ նրա լիազորած անձը (ներկայացուցիչը) Հայաստանի Հանրապետության էկոնոմիկայի նախարարության մտավոր սեփականության գործակալությունը (այսուհետ՝ գործակալություն) ներկայացնում է սույն կարգին կից տրված ձևով՝ համաձայն N 1 ձևի, որին կցվում են՝

1) սահմանված պետական տուրքի վճարման անդորրագիրը.

2) լիազորագիրը, եթե դիմումը ներկայացվում է ապրանքային նշանի իրավատիրոջ լիազորած անձի կողմից:

Դիմումին կարող է կցվել նաև ապրանքային նշանի վկայագիրը՝ ապրանքային նշանի գրանցման գործողության ժամկետի երկարաձգման մասին նրա մեջ համապատասխան գրառումներ կատարելու համար:

3. Դիմումը ձևակերպվում է հետևյալ կերպ՝

1) 1.1-ին և 1.2-րդ կետերում համապատասխանաբար նշվում են ապրանքային նշանի պետական գրանցման համարը և թվականը.

2) եթե ապրանքային նշանի իրավատերը ֆիզիկական անձ է, լրացվում է 2.1-ին կետը՝ նշելով նրա անունն ու ազգանունը, իսկ եթե իրավաբանական անձ է, իրավաբանական անձի լրիվ անվանումը.

3) 2.2-րդ կետում լրացվում է ապրանքային նշանի իրավատիրոջ գտնվելու վայրը և այդտեղ նշված մյուս տվյալները, եթե դրանք կան.

4) 2.3-րդ կետի վանդակը նշվում է, եթե ապրանքային նշանն ունի մի քանի իրավատերեր և այդ դեպքում լրացուցիչ թերթի վրա ներկայացվում են նրանց տվյալները՝ համաձայն 2.1-ին և 2.2-րդ կետերի.

5) 3.1-ին և 3.2-րդ կետերում համապատասխանաբար լրացվում են ապրանքային նշանի իրավատիրոջ լիազորած անձի տվյալները, եթե դիմումը ներկայացվում է լիազորած անձի միջոցով.

6) 4-րդ կետում լրացվում է ապրանքային նշանի իրավատիրոջ կամ նրա լիազորած անձի այն հասցեն, որի միջոցով գործակալությունը կկարողանա իրականացնել դիմումի հետ կապված գրագրությունը.

7) 5.1-ին կետի վանդակը նշվում է, եթե երկարաձգումը խնդրարկվում է ապրանքային նշանի վկայագրում նշված ԱԾՄԴ-ի բոլոր դասերի ապրանքների և (կամ) ծառայությունների համար.

8) 5.2-րդ կետի վանդակը նշվում և լրացվում է, եթե երկարաձգումը խնդրարկվում է ապրանքային նշանի վկայագրում նշված ԱԾՄԴ-ի որոշ դասերի ապրանքների և (կամ) ծառայությունների համար.

9) 5.3-րդ կետի վանդակը նշվում է, եթե երկարաձգումը խնդրարկվում է ապրանքային նշանի վկայագրում նշված որոշ ապրանքների և (կամ) ծառայությունների համար և լրացվում ըստ ԱԾՄԴ-ի դասերի այն ապրանքների և (կամ) ծառայությունների, որոնց համար ապրանքային նշանի գրանցման գործողության ժամկետի երկարաձգում չի խնդրարկվում.

10) 6.1-ին կետում լրացվում է դիմումը ստորագրող ֆիզիկական անձի անունն ու ազգանունը, ինչպես նաև պաշտոնը, եթե երկարաձգվող գրանցման իրավատերը հանդիսանում է իրավաբանական անձ՝ համապատասխանաբար նշելով 6.2.1-ին կամ 6.2.2-րդ կետի վանդակը:

Եթե գրանցված ապրանքային նշանն ունի մեկից ավելի իրավատեր, ապա ապրանքային նշանի գրանցման գործողության ժամկետի երկարաձգման մասին դիմումը գործակալություն կարող է ներկայացնել իրավատերերից մեկը կամ նրա կողմից լիազորված անձը:

4. Գործակալությունը դիմումը քննարկում է փաստաթղթերն ստանալուց մեկամսյա ժամկետում:

5. Դիմումի քննարկման ընթացքում ստուգվում է ներկայացված նյութերի համապատասխանությունը պետական գրանցամատյանի տվյալներին, մասնավորապես, ներկայացված վկայագրի վավերականությունը, դիմումի համապատասխանությունը սույն կարգով սահմանված պահանջներին և դրա մեջ նշված տվյալների (իրավատիրոջ անվանման և գտնվելու վայրի, ապրանքների և (կամ) ծառայությունների) համապատասխանությունը պետական գրանցամատյանի տվյալներին, ինչպես նաև վճարված պետական տուրքի համապատասխանությունն օրենքով սահմանված դրույքաչափերին: Եթե դիմումը ներկայացվել է լիազորված անձի միջոցով, ապա ստուգվում է նաև լիազորագրի առկայությունը և դրա համապատասխանությունն օրենքով սահմանված պահանջներին:

6. Եթե քննարկման արդյունքում պարզվում է, որ ներկայացված նյութերը համապատասխանում են սույն կարգի 3-րդ և 5-րդ կետերով սահմանված պահանջներին, ապա գործակալության ղեկավարի որոշմամբ ապրանքային նշանի գրանցման գործողության ժամկետը երկարաձգվում է 10 տարով, ինչի մասին համապատասխան գրառում է կատարվում պետական գրանցամատյանում և ապրանքային նշանի վկայագրում: Որոշումն ու ապրանքային նշանի վկայագիրը հնգօրյա ժամկետում հանձնվում է (իսկ անհրաժեշտության դեպքում փոստով ուղարկվում է) իրավատիրոջը կամ նրա լիազորած անձին:

7. Եթե դիմումը վերաբերում է ապրանքային նշանի վկայագրում և պետական գրանցամատյանում նշված ոչ բոլոր ապրանքների և (կամ) ծառայությունների համար

ապրանքային նշանի գրանցման գործողության ժամկետի երկարաձգմանը, ապա պետական գրանցամատյանում նշված ապրանքների և (կամ) ծառայությունների ցանկից հանվում են բոլոր այն ապրանքները և (կամ) ծառայությունները, որոնք նշված են դիմումում՝ հստակ նշելով այդ ցանկից հանված ապրանքները և (կամ) ծառայությունները:

8. Եթե ապրանքային նշանի վկայագիրը դիմումին կից չի ներկայացվել, ապա ապրանքային նշանի իրավատիրոջը կամ նրա լիազորած անձին հանձնվում կամ փոստով ուղարկվում է պետական գրանցամատյանից համապատասխան քաղվածք:

9. Եթե քննարկման արդյունքում պարզվում է, որ ներկայացված նյութերը չեն համապատասխանում կարգի 3-րդ և 5-րդ կետերով սահմանված պահանջներին, նշանի իրավատիրոջն ուղարկվում է հարցում՝ ճշգրտված կամ բացակայող նյութերը կամ «Պետական տուրքի մասին» Հայաստանի Հանրապետության օրենքի 33-րդ հոդվածի 2-րդ մասի համաձայն՝ պակաս վճարված պետական տուրքի վճարման անդորրագիրը հարցումն ստանալու օրվանից երկամսյա ժամկետում ներկայացնելու առաջարկությամբ:

10. Այս դեպքում նշված երկամսյա ժամկետի ավարտը որոշվում է պահանջված փաստաթղթերից վերջինի ստացման օրով:

11. Հարցման համաձայն պահանջված նյութերը երկամսյա ժամկետում չներկայացվելու դեպքում գործակալության ղեկավարը որոշում է ընդունում ապրանքային նշանի գրանցման գործողության ժամկետի երկարաձգումը մերժելու մասին և հնգօրյա ժամկետում ապրանքային նշանի իրավատիրոջը կամ նրա լիազորած անձին է հանձնում (իսկ անհրաժեշտության դեպքում փոստով ուղարկում) այն, ինչպես նաև դիմումին կից ներկայացված բոլոր նյութերը:

12. Եթե քննարկման արդյունքում պարզվում է, որ ապրանքային նշանի վկայագիրը կամ դրա կրկնակը վավերական չէ (լրացել է ապրանքային նշանի գրանցման գործողության և դրա երկարաձգման մասին դիմում ներկայացնելու համար օրենքով սահմանված

ժամկետները), ապա գործակալության ղեկավարը որոշում է ընդունում ապրանքային նշանի գրանցման գործողության ժամկետի երկարաձգումը մերժելու մասին և հնգօրյա ժամկետում ապրանքային նշանի իրավատիրոջը կամ նրա լիազորած անձին է հանձնում (իսկ անհրաժեշտության դեպքում փոստով ուղարկում) այն, ինչպես նաև դիմումին կից ներկայացված բոլոր նյութերը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ

Դ. ՍԱՐԳՍՅԱՆ

Հայաստանի Հանրապետության
Էկոնոմիկայի նախարարության
մտավոր սեփականության
գործակալություն
Գլխավոր պողոտա, Կառավարական
տուն, 3, 0010, Երևան

Դ Ի Մ ՈՒ Մ

ԱՊՐԱՆՔԱՅԻՆ ՆՇԱՆԻ ԳՐԱՆՑՄԱՆ ԳՈՐԾՈՂՈՒԹՅԱՆ ԺԱՄԿԵՏԻ ԵՐԿԱՐԱԶԳՄԱՆ
ՄԱՍԻՆ



Խնդրում եմ երկարաձգել սույն դիմումում նշված ապրանքային նշանի գրանցման գործողության ժամկետը:

1. Խնդրարկվող գրանցման գործողության ժամկետի երկարաձգումը

1.1. գրանցման համարը _____

1.2. գրանցման թվականը _____

2. Իրավատեր

2.1. անունը, ազգանունը կամ ընկերության լրիվ անվանումը _____

2.2. գտնվելու վայրը, երկրի ծածկագիրը, հեռախոսահամարը, ֆաքսը, էլեկտրոնային փոստի հասցեն

-
- 2.3. իրավատերերը մի քանիսն են (իրավատերերի մասին տվյալներն ըստ 2.1-ին և 2.2-րդ կետերի տրվում են լրացուցիչ թերթի վրա):

3. Իրավատիրոջ լիազորած անձ

- 3.1. անունը, ազգանունը կամ ընկերության լրիվ անվանումը

-
- 3.2. գտնվելու վայրը, երկրի ծածկագիրը, հեռախոսահամարը, ֆաքսը, էլեկտրոնային փոստի հասցեն

4. Նամակագրության հասցեն

5. Ապրանքները և (կամ) ծառայությունները՝

- 5.1. երկարաձգումը խնդրարկվում է վկայագրում նշված ԱԾՄԴ-ի բոլոր դասերի ապրանքների և (կամ) ծառայությունների համար

- 5.2. երկարաձգումը խնդրարկվում է վկայագրում նշված ԱԾՄԴ-ի հետևյալ դասերի ապրանքների և (կամ) ծառայությունների համար*

-
-
-
- 5.3. երկարաձգումը խնդրարկվում է վկայագրում նշված բոլոր ապրանքների և (կամ) ծառայությունների համար՝ բացառությամբ**

6. Ստորագրություն

6.1. դիմումն ստորագրող ֆիզիկական անձը՝

_____ (պաշտոնը, անունը, ազգանունը)

6.2. նշվում է համապատասխան վանդակները կախված այն բանից, թե ում կողմից է դիմումը ստորագրվել

6.2.1. իրավատեր

6.2.2. իրավատիրոջ լիազորած անձ

6.3. ստորագրություն _____ (թվականը)

7. Տուրքեր

7.1. վճարված է _____ դրամ պետական տուրք անդորրագիրը կցվում է վճարման _____ ձևը

8. Կցվող լրացուցիչ թերթերի ընդհանուր քանակը _____

*- շարունակությունը տրված է լրացուցիչ թերթի վրա